

石遺室詩集

石遺室詩集卷第六

侯官陳衍

壬子

瓶花

瓶花十日一飄裊不忍輕輕便換新垂死佳人顏色在可
憐蒙被李夫人

竹根生笋喜作

栽竹能生弱不禁春來老翠轉蕭森幾根細笋頻頻數勝
過衰年望子心

招梅生看畫

不見竟數日誰知居對門出嫌泥滓滿坐愛雨聲繁花有

辭瓶意苔多上砌痕匡廬懸素壁著屐一評論

畏廬自津門寄畫酷肖匡廬直逼墨井賦謝二首

廬阜忽當前千巖壁上懸香爐望五老瀑布下開先寫子
經過景牽余信宿緣漁山如可作不敢倚前賢

四壁家徒立

避亂歸所有書畫盡寄都門

思君畫幀懸打門來急遽坐

客觀爭先夢寐通幽賞亂離增墨緣前賢猶襦襜何況汝
時賢

韻芳夫人郊居耿王莊畔梅生及余將有江南之
行過之夫人填春草碧一詞送別報以長句

遙山近水護吟壇如此郊居足古歡別賦恰成春草碧填
詞悽絕柳綿殘風塵奔走黃皆令離亂憂危李易安豈可

謬稱詩弟子辭源倒峽似君難

答林可山次韻時將續編閩詩錄

華髮盈顛百不成浮沈閭里欲銷聲時從鬼錄求朋友便
當窮交話性情文獻銷沈需博訪圖書校勘想分程因君
觸起思兒痛庭竹淒瀟聽到明

棕船持贈斑竹杖小詩三首爲謝

蓋頭箬笠偶郊行引得村童起笑聲不道病餘腰脚餒偏
勞足下伴先生

俗子規圓方竹杖次山況有惡圓文地員篇後天圓出敢
笑圓通似此君

狸首斑兮執手拳裹銅曳出愛鏗然城中那及陶江路犂

確雙橋七百年

抵都傷暑大病十餘日

解裝臥疾動經旬問訊聯翩集故人口不能言酬以臆

時病

情狀尻如可化早爲輪小愈發菴邀遊西苑憊極勉行幾斃尙思艮嶽重成記

未必華胥覺此身負盡鄉山好丹荔浮瓜沈李亦逡巡

嗜瓜

腹病不敢食

風疹久不愈腹疾愈而復作殆將死矣倒次畏廬

韻戲示醫隱畏廬

怪余忽與鬼爲鄰十六年來不病身死使我埋休我殯散
知何果聚何因一瓢天士都無策墨井耕烟正亂眞他日
兩家求作傳能文後起更誰人

次韻答畏廬

幾人華屋不山丘爾我垂垂況白頭從古畫師原必壽近
來詩力抑何適少微星隱非吾事續命湯多或小留自笑
歸舟天際去有誰凝望倚粧樓

反言調
畏廬

畏廬畫松易余楊惺吾楹帖時余將出都連朝風
雨淒然若傷別者因書畫後

畏廬酷嗜楊風字五字楹聯尤當意要余持贈酬以畫雙
榦盤拏慈仁寺下筆瀟瀟風雨來高寒六月生虛齋由來
松竹解傷別試讀逍遙堂上詩

醫隱于田鵝房積雨不得返作此訊之

遠林積雨暗迷津悶絕鵝房坐困人土銼所燒惟濕葦巾

車欲駕已埋輪辛南党北天教定鄭璧周祊例可循我亦
石門需刈稻待君話別又逡巡醫隱久勸留北耦耕而余
決南旋以二千金質其陶

江之田

重過秀野草堂故居追和哲維舊歲之作

五載斜街舊草堂徧栽桃杏共垂楊壞垣未補猶山色寄
有壞垣能見
翠微山句頽榭全傾只石廊陳迹履綦塵漠漠歸魂環
珮月荒荒夜闌秉燭分携處佳句曾勞寄數行

題畏廬畫

此亦斜街秀野堂春光過盡看秋光不知明歲攤書處可
有蕭疏樹幾行

再題

似我蕭閒室煩君點筆新如何居一叟不見戴花人

爲橘叟刪定詩彙畢書廿八字

又向京塵聚一同眼看深淺換蓬萊推敲字句商題事似
爲君詩特地來

次韻答畏廬送行之作

津門昨歲悵分裾已分長乘下澤車世亂敢期踪跡密情
親肯任簡牋疏買田種秫將諧價假館傳經待卜居幾道請余
續就大第一老來眞樂事故人共讀古人書

疊韻答醫隱送行之作

年來引汝上糟丘種秫將聽滴醪頭烽火江關傳忽徧家
林閩海去何邇深杯重把偏多病善藥當歸已少留但祝

簞車如願後挂筇黃篋恣登樓

再疊韻答殷庵

鄠杜何當買一丘杜陵吟望久低頭溪山偃仰心靈出橐
本離披楷法遁戒牒免同程濟去黃冠漫比水雲留知公
時有鄉關戀夢裏滄江足倚樓

讀乙庵山居圖自題詩三疊其韻

客從江北歸誅茅父其宅鴛鴦七十二門外煙水碧驚烽
一夕起那遽商山覓誤從康莊路墜入羈塵窟縱橫姬姜
肆凌亂奎婁壁如何作誑語謂抱匡山膝將無楊竹西題
字訛自昔不然新眉黛對之可愈疾不然硯山圖閒以一
品石須彌見彈指棋局起肝膈玉川有屋山惡少騎危迹

岑樓本重屋曾譬禮與食只恐門如市不愁雀羅翟毋慕
樓山堂死士誤爭席毋讀囚山賦兕桺疑擁隔好吟媚潛
虬阿連圖主客

桃萊非無山松杏乃舊宅豈知女真黃一例天水碧紛紛
哥倫布第五歐洲覓可憐海大魚那得斜飛窟搖櫓徧阿
蒙如練瓦半壁宜生博斷脰虛中拚屈膝此中毫釐辨大
義憤自昔受之焉可貰太朴非所疾遺山元魏裔秋望腸
匪石廷心與子中種族切肝膈虞賓況在位踐土寄公迹
東丹壓小山西遊詳大食佛國敘西戎和林拓北翟何止
奪祁連疑卷八荒席俱虛若西海天地本閒隔瑞士自山
居來遊聽謝客

不刊之言卷之二
三
郊居賦求田山居賦結宅我家卅尺樓吞納烏峰碧世界
在人造安得桃源覓兩棺扛入山位置松篁窟寓目偶登
高拔幟遲趙壁無謀頗有勇幾欲中吾膝自羞本無武鷗
鳥諄在昔得離決南逝敢比辛棄疾乃云旛而鼓自我機
發石聞將不反兵沈痛在肺膈吾衰能若此青兕踐遺迹
雖無閩王殿端坐侈玉食亦當十三篇攻拒匹墨翟胡爲
相汲引禮館與講席掉頭舍之去蓬山萬重隔裏垞有故
丘餘生懽過客

國學雜誌題詞

暴秦死灰殆復然儒冠章甫祇可旋諸君唾手得天下萬
人鼓譟張空拳捷書日日傳萬紙轉坤頃刻能旋乾誦言

詩書安事者五厄可六嗟顛連兩生掉頭伏勝毫申公轅
固寒無氈學僅試吏甯諷猶鮮卑語雜琵琶絃連艫筏材
足浮海陽襄抱器爭先鞭扶桑異本出希馮出關一記亡
張騫成吉斯汗紀哈赤舜水蒼水紛雕鏤張籍代燭賀入
溷初學翻刻雞林篇沙洲志出三危麓永樂巨帙辭幽燕
歸安陌宋十萬錢三峯華嶽連秦權百家六籍聽道喪甯
殊豆剖瓜分焉何來腐儒不餓死亦有濁世佳翩翩被兵
尙不輟絃誦講藝直欲投戈鋌廣庭睥睨文苑傳雷塘但
覺儒林賢追來巧言顏黃門抱遺訂墜盧玉川南遷西遊
足攷訂水東研北勤槩鉛桑經山海凡幾校延昌朔方分
八埏文心詩品搜厄言史通子畧羅眞詮其餘藝文錄辭

賊甯闕勿濫嚴棄捐要同韓碑印萬本雜報何止讀開元
同劍潭往天甯寺登高遇挾東默園言寺駐兵不
得入因憶舊遊

悲哉秋爲氣草木忽變衰蕭瑟慘慄中遠行思將歸往年

兩登高西郊挹翠微趙侯堯生及二黃默園載酒慰孤羈後

至迫梁生衆異草堂還賦詩去年逢亂離戰場菊方開停舟

過之罟傑閣望蓬萊今年尋舊遊趙侯安在哉哦詩上日

光秋色正西來紅葉共酡顏流霞入深杯聯轡惟吾宗簪

萸髻雙摧兄弟各終鮮憔悴疑同懷適逢羅與黃老兵阻

登臺萬事那可必到門車空回

九月十九日與弢庵同遊師子窩次日至秘魔厓

兩處景物迥異

淒緊西風連夜霜登高來作展重陽看山覓句騎驢慣出
郭尋秋下直忙樹石淩寒凝水墨林巒著色徧丹黃行窩
一卧臨厓坐兩幅天然畫本張

答章一山留別之作次韻

獨有會稽楊抱遺悽吟天寶亂離詩扁舟已就思鱸計華
表差同化鶴時笑我猶傳經傳學看人競負帝王師還鄉
避地成行脚何處茅庵乞住持

寄戴聖儀

二戴淵源遠之江淑氣偏能追劉向作聖儀撰清列女傳若干卷上國史館
先室人復有大家編所著又有女小學佳傳勞彤管哀思
入焉
大戴禮注諸種

觸斷絃憂時如漆室持較定誰賢

北行絕句十二首

崑山一片玉顏色如鵲華江南及濟南顧王兩名家
惠山以泉名瀑布亦殊好惟見孤塔明亭亭出林表
西蠡與北江平衍乏丘壑詩詞駢散文派別乃各各
大江兩黃鵠一顯而一隱晚過戴公山高風疑未泯
北登北極閣南上雨花臺青溪莫愁湖別汝廿年來
一十八年前白門未種柳今日柳成圍種柳人亡久
環滁云皆山稍缺其東南人問清流關我懷野渡庵
鵲鵲不踰濟貉踰汶則死我是橘中人請從踰淮始
江淮兩塗山江淮兩龜山開母少姨廟乃在桐柏間

謂張
文襄

彭城多古蹟所懷在潁濱行年五十餘那有對牀人
去年登太山曲阜未通道孔教本大同辟雍鞠茂草
昨日鍾山顚今夜太山下歲暮此栖栖笑我何爲者

夜過泰山下作

天寒歲暮復長征朋好依依惜此行久狎風濤輕險阻慣
凌冰雪踏縱橫濟河淮海聯新軌江漢滎波厭舊程惟有
岱宗曾識我炎涼不改送迎情

除夜

除夜爲孤客平生第幾回分離從建水感愴集燕臺玉立
長身竹甕盆短几梅兩端憑取舍自問費疑猜

癸丑

不世言集卷二
題何澄意秋幢讚佛圖

墓門寂寂疏琴聲天上人間問玉京更向清涼山下去替
人垂淚鹿樵生

太真仙去玄機死一霎華鬢了色身人自黃繩儂練行看
朱成碧又何人

金沙灘畔水瀾漫芋火衡山識嬾殘五斗欲泥衣一品各
留鎖子骨珊珊

單家孤子說歛歔墨者汪中一丈夫楊宛王微稱我輩湘
蘭何遠等湘于

題金寶齋北雅樓著書圖

百事我求人惟醫人求我醫人真本領醫國假擔荷人活

杏亦活賣杏千萬顆杏花滿樓前紅似然藜火燦然照著
書靈素疏箋可

清明日招仲毅芷青秋岳午飯看花雲山別墅遂
登江亭三子賦詩送余行各和一首

窗外巍然有上宮登高畏見冢成叢江亭短葦新抽綠別
墅崇桃亂吐紅飽飯閒行隨處好耽吟吾黨本來同他年
寒食如相憶呼酒登臺試一中

右次仲毅韻

吾衰未及行冬令況汝年華尙涉春萬卷有書堪枕藉一
身無病可悲呻看花老眼迷風物望遠高臺際水濱卅載
長安數朋輩幾回陳舊幾回新

右次芷青韻

淒涼月夕及花晨久與重光步後塵縱有枝頭春意鬧其
如囊裏夜光貧好詩待續歸田話良晤端憑健飯身事業
文章君等在老夫只買玉壺春

右次秋岳韻

秋岳又賦絕句再次韻

未須天意憐衰草豈望人間重晚晴春興田園吾自足義
熙端不託泉明

三月三日樊山集海上寓公修禊樊園詩次少陵
麗人行韻余出都過之追和一首

樊山詩句長鮮新意中直欲無老人禊帖不肯臨逼真顏

王兩序調停勻

自作聯體序

樊園風光妍暮春感念高冢卧麒麟

麟先生不飲亦沾脣座中賓客皆閒身中屢筆硯日相親
問今何世疑避秦桃花亂落水生鱗流觴水次非垂綸余
方匆匆辭京塵長安百物不足珍繁花絕世真風神豐臺
花事足津津法源丁香簷可巡天甯崇效飄錦茵東風颯
然生青蘋江亭送歸欲霑巾落花墜樓傷季倫垂簾一任
歸燕嘖

過海藏樓看櫻花到家海棠三樹方盛開作

飽看櫻花過海藏歸舟無計載春光吾家薄有三姝媚肯
爲詩人炫晚粧

次任公萬生園修禊詩韻寄任公

神州徧瘡痍盪滌當安適誰持活國手凋瘵有起色羣公
盡鄧禹未肯甘寂寂赫然銅面具不畏發其冪滄江桑海
人親見萇弘碧牖民負先覺萬本飲冰集新理闡西哲羣
籍扶東壁蔡州正秋望汐社已日夕重厚烏集關馬角返
絕域相逢一握手煩冤并感激永和有癸丑千載與重覓
長安問水邊杜陵淚沾臆破涕發高詠文采各奕奕嗟余
東入海負媿申徒狄蘭亭誤後至漣瀾空目極有如辛亥
秋適避桓景厄我舸過之罟吹帽風惻惻南圖緩扶搖北
望阻羈勒平生遇清景命筆急迫索合并得四美刻燭聽
促迫長安幾上已歲歲花照席歐九供描畫張爲圖主客
我遊君未歸我去君當惜住者六七公夢想付昔昔

題李易安小照

天水河山幾戰塵，宗周嫠婦絕酸辛。
都將家國千行淚，併入眉心一寸顰。
霧鬢不傳垂老影，蓑衣誰寫苦吟身。
儂家亦有閒安像，金線泉邊怕愴神。
前年過濟南，未至易安故宅。

題郭舜卿所藏南田畫幅

南田花卉見無數，如見徐黃色初賦。
何劉沈謝暗中識，此語西陂想殆庶。
人天雅俗判骨髓，氣候工夫非確據。
偶將丘壑讓耕煙，比似惠之去學塑。
近來吳王有揚抑，惟此寫生久獨步。
就中一幅見命意，畫十二幅，一幅蠟梅，天竹，羅漢，松，憶與海藏
論花樹，蠟花天竹，非梅竹，羅漢稱松，亦謬。
附蜀茶，媽姪，豈茗，葬色界，情天，符參，悟毘陵，東冶，兩甌香，詩畫同時共馳。

譽獨憐東冶罕流傳爭向毘陵辨香炷

桐葉一樹落盡一樹盡黃坐看至暮

催我吟詩桐葉黃南中此樹罕經霜一庭暝色蒼然至獨
向天邊駐夕陽

又一首

東齋梧桐西齋竹千葉深黃萬葉綠如此其家固不貧滿
屋黃金與綠玉

看黃葉寄懷滄趣老人

獨坐看黃葉西山憶舊遊霜風殘照裏秋望白人頭

登烏石山隣霄臺和蘇堪磨崖舊作

極目滄海天在抱雙江水繞郭千萬山獨秀三山裏

雨中登鏡湖亭

往遊明聖湖雨景落吾手四垂雲脚平兩峯沒其首雨立
數埕見潑墨千林黝一舟水寒中獨自徜徉久吾州湖信
小具體亦畧有二橋擬雙堤小孤湧培塿柱齋似花港三
潭滿菱藕澄瀾卽文瀾大夢南屏陡微濛一煙雨彷彿聖
湖否會當拓宛在湖天納窗牖

實甫寄詩險韻久不能和別報一首

與子分携及暮春落紅庭院立春人春人撩亂風花眼請
念階前對愴神

同人約往豹屏山看紅葉將有北行不果

待看秋山霜葉紅輕裝無那去匆匆詩名遲我陳紅葉明

歲來吟儻更工

雨後留別諸故人

一雨平添水一池
凭欄渴想已多時
請聽簾外潺潺後
應是西窗翦燭期

題篁溪歸釣圖

有溪復有篁其魚樂於我
願君直其釣釣不釣俱可

自浦口至京師三千里大雪一色

瓊樹瑤林萬萬枝
連霄玉戲太矜奇
便教但作梅花看
破費天公已不貲

和仁先菊詩

淵明菊傳神仁先菊寫真
非吾譽仁先愛菊逾古人
非惟

邇古人愛菊邇其身種菊數百本本本絕等倫印以玻璃
版花樣難具陳沃以芝麻油駐顏冬復春形以五言詩形
神歲生新去國挈之去佳種傳淞濱淵明儻見之後生畏
且親我豈不愛菊嬾懦氣不振因陋而就簡索句亦逡巡
遁而去種竹坐享謝辛勤子猷與淵明相見毋斷斷

環翠樓詩

風木易生感蓼莪或廢吟蔚然環翠樓太和氣愔愔奉檄
世所欣栽花彈鳴琴況復嶺上梅管領千萬林信美非吾
土所乏椿樹陰白雲招我歸春草動我心呼我反哺烏棲
我烏山岑樓中手澤書在抱長欽欽

題寒廬茗話圖

天地本蘧廬茗柯有實理閒話水天中一片寒鴉起

題嶽雲聞笛圖

並逝陳徐與應劉

時楊味春顧印伯朱芷青前後並逝

風流鄴下古今愁才

人落魄江湖暮弟子招魂天地秋上表通天甯有路索琴

顧影久無傳

謂叔嶠

黃公壚畔悽回首十載南冠共楚囚

穆庵屬題所持遺象

深杯健啖面團團往日丈潛本肉山誰識驟逢驚老瘦去
年見汝苦辛還

又屬題所持詩冊

廿年珍秘篋中詞身後幽光發太遲終肖蜀山深刻處梁
髯偏說晚唐詩

前月北來過滬沈觀留飲寓齋有詩由仁先寄示

索和

春申林際暫停車無數吟人得摻裾

鄭蘇堪邀同朱古微程伯葭飲酒樓又同

訪仁先於沈觀寓齋電車上遇李梅庵席上晤胡蘄生左

笏卿左鄰樊樊山方爲詩鐘之集又晤瞿止庵沈乙庵陳

散原吳綱鄭老襟期同醉後周郎玉貌改當初

不見沈觀且十年

嘔心好句將何補到手深杯莫放渠別後吾宗能念我頻

題程伯葭精忠柏記後

風波亭畔精忠柏不願生看天水碧冬青無存六檣盡人

世滄桑幾變易福陵松柏何蕭條孝陵松柏尤寂寥棲霞

萬古蒼蒼色莫聽錢塘鳴咽潮

除夕前二日與幾道話陶江風物兼示雪農

與子江鄉憶歲闌瓦楞刀鱗木奴丹玉屏李垞皆詩料秋
樹林巖久墜歡且住爲佳居易錄苦多去日遠遊冠君房
端是嚴光友酷嗜腐儒風味酸

君常民政以僕詩話謂吾鄉詩人多在會城西南
鄉自陳亦西鄉人賦長歌寄示奉答

孟軻稱舜何諄諄所憂未免爲鄉人一鄉愿人曰鄉愿所
惡亂德失其真君胡去鄉三十載歷歷鄉井翻自陳古人
在國與在野市井草莽皆等倫後來城邑盛冠蓋都人士
女爭麟韞田家伏獵歌撫缶猶誇甲第乘朱輪浮沈閭里
逐雞狗家居病免驚鄉鄰村夫野老甯俊物褐黻誰樂儕

凡民鄭君鄉拜萬黃巾西豪里中有八荀南陽草廬自抱
膝望衡渡沔過從頻而君命意別有在柴桑栗里詩清醇
輞川摩詰招裴迪郊居沈約推王筠吾鄉風味談津津
吟誰復江之濱歲闌京國偶倡和江鄉風味談津津

甲寅

送劉洙源之嶺南

六經經秦火今古文同異大義與微言師說歧洙泗文學
溯游夏南北分兩職北道深淵源漢京逮唐世三史儒林
傳八代經籍志宋元等自鄒卂論逞恣肆南派常伏流如
濟水在地有清乃四溢江表實鱗萃湘黔及東越僻壤發
經笥西蜀竟得子文武道未墜周官豈僞造佐以畧識字

不搗揚馬藻頗紆李曾轡學成苦飢寒太息尻不易繫民
有九兩位置宜三四國中失顏子賢路吾欲避英英同學
彥馳諭方奉使食苹呼其侶驛路折梅寄庶幾吾道南趙
德競師事

與默園論詩卽送其行

黃生手持荆公詩密密圈點吟哦之此中海藏久探索更
無餘地堪因依君家雙井富書卷驅使詰屈或汝師茲行
山水入入桂劍銘羅帶相參差柳韓筆力藉磨礪勿怨世
路多嶇嶠

胡詩廬詩存題後

君於五七言氣體均不俗問其不俗故服膺在山谷山谷

之爲人磊砢見節目生長山水窟厯皖湘黔蜀世閒清剛
氣貫湊入骨肉發爲詩文字可喜不可欲知者謂堅凝不
知謂嚴酷君生於其鄉師又谷之續今詩盡谷體谷致杜
之曲別古體爲今吾國之所獨音業與古異貌自爲唐局

李賀

白孟郊

不律詩二杜

審言甫

沈陳屬陳律何鏗然五古古

自復要知杜與黃萬卷胸積蓄當其欲下筆萬象森瞻矚
春蹂範奇偶左右罔不足七言始騷經劉項節猶促式微
云兆端帝力更高躅柏梁不易韻杜韓斯二瀆然實騷之
流兩句韻一束但始其兮字一韻自起伏又視古樂府長
短句盡刷試將枚蘇李用韻一細讀顯與歌曲流同流而
異澳因君偶放言敢謂識歸宿

題侯雪農吟詩圖

雪苑侯生太嗜詩自吟自寫自圖之蹇驢畫本弓衣繡不
及庚庚說理詞

不學張爲圖主客也非宗派仿西江線裝槧本衣裝錦長
吉詩囊此可雙

陳師曾寄示詩十數首逼肖乃翁喜而有贈並約
過談

詩是吾家事因君父子吟似曾緣綺靡終擬入精深篆刻
鏤肝意雲山動操音

君工刻印及畫

寂寥三益徑相望一開襟

石孫將赴恰克圖索贈詩

王生早隨西使槎向學旭日昇朝霞使車今指露西亞殷

殷五善詢皇華芻言贈行已有序乞以韻語相增加交隣
謀國不復道山川景物窮幽遐旁搜儻及蒙古事益我詩
紀真拜嘉九能能說乃能賦雪車何羨吟劉叉王生嗜詩
尙年少珍闕不出慙矜誇弓衣待繡都官句龍蛇滿紙爭
紛拏

三月三日抱存公子招集流水音分韻得大字

垂楊絲未長桃杏蕊漸大今年春事晚已屆流觴會液池
舊曾遊罨碧邈人外主人若寒素賓客盡敬愛拏音偶沿
緣澗澗蓄深黛恍聽田水聲活活呖與澹

朱舜水先生西湖祠堂落成伯葭以紙使題詩補
壁

天意蒼茫際玄黃戰未休包胥難復楚蕭簪枉依周二水
原同調姚江更盛流丹青妥祠廟湖上數峰秋

題沈研農春去圖

人間最短是春光愈覺春濃愈斷腸我亦落花春去者哀
蟬一曲淚千行

喜君常至別後却寄

老去無他願常常見故人日中滿朝市殘夜聚星辰發思
花猶盛沽春囊未貧東城鄰可買遮莫比僧珍

三月晦日實甫挾東法源寺僧招同王壬秋太史
及都下諸名士集寺中饌春繪圖屬題

丁香花滿院一老髮如銀猶是春三月居然集百人寺僧

希島佛坐客廁山民共有今朝句賈島真山民均有風光
三月三十日詩
本足珍

三六橋都統屬題朔漠訪碑圖

書生慨讀燕然銘封狼居胥意崢嶸豈知髀肉生都護石
壁坐撫度人經伽堅荼寒莽沙磔圖蘇湖殿青燐熒特勒
特勒久訂誤碑陰碑側車常停可汗九姓總回鶻訥顏左
近石如礪牛腰捆載駝峰上渾疑石炭馱肉屏近來搜采
徧環瀛埃及古刻多象形匍齋已死金盤出更誰訪君士
但丁

爲馬通伯題碧梧翠竹圖卷

潑眼山光一縣城居人常得氣之清揭來亭館收蒼潤中

有文章繼老成小築敞廬疑突兀亂栽客舍慣縱橫題詩
又送君歸去滿紙瀟瀟風雨聲

黃玫伯寄示後凋草堂詩屬題其後

拳曲享年支離叟太賢已同枯樹賦遑詠種桑篇著述
龍鱗長風濤鶴夢便因君惆悵處李垞少三椽

題秋草圖爲姚芒僧作

人間何處無秋草一夕涼風盡變黃能使髣毛消積雪也
應天地不繁霜替人垂淚傷枯樹爲古擔憂弔戰場別有
賦詩白居易坐看歲月去堂堂

古微至屢醉爲權聞其將行詩以訊之

吳興老詞客久不踐京塵肯慰經年別來過飲市人看山

題壁未冒雨墊巾頻連日霜風緊愁君復憶莼

答楊庵寄懷之作

龔生能憶我遠寄五言詩老筆橫秋耐雄詞壯小池蒼茫
梁木感棖觸脊原悲况復逢搖落經年此別離

寄調又點

竹垞調笑王于一佯許佳人贖汝身爲語後生眞可畏碧
樓金屋十分春

答大年寄懷之作

橘叟宵來向我過見君詩句動吟哦禁方莫笑人人有搯
腕神仙奈汝何

蘇堪嘗與人書云白石遺歸里提倡爲詩人人搯腕自言有禁方能神仙矣

歲暮追和暨兒上巳日憶都門舊遊寄呈詩卽次

其韻

孔門庭訓爲二南曹劉猥欲推同龕升堂入室談何易枚
乘蘇李差醅醑西來傳授視衣鉢法嗣絕不歸大男淵明
多事詩責子室無萊婦滋懷慙豈如有口但飲酒且醉八
斗與二參門生兒子昇簾筍畢養劉鍤荷且擔有田菰稻
種已足折腰束帶誰能堪汝從髫鬢親紙筆文字畧識苦
與甘效顰時復作吟詠詩律精細多未諳雄渾本由健所
積醲郁端在沈方酣昔聞佳兒靳李嶠誰解誦賦韻易三
金根誤讀窘僻典乃父學海空潭潭杜陵家法精選理班
香宋豔熏醢醢故家文物歐叔弼未聞下筆葉食蠶虎兒
筆力說扛鼎果遇勍敵眞能戡讀書不肯破萬卷一二雋

語母多談詩家堂構罕繼武往往甲第夷茅簷幼驚長老
故了了壯不努力行麤麤致君堯舜豈汝事有似此靡難
爲驂數年讀律竟何用四部插架聊復探

附原作

聲暨

六年隨宦居宜南斜街老屋團詩龕老泉冷官守寂寞
文酒風味常醺醺我時廢讀范滂傳堂北無復栽宜男
忘憂乏術意頽喪長公才識深懷慙學書學劍百不就
讀書讀律聊相參江關烽火達北極如臯東徙紛負擔
求田問舍且種菜湖海豪氣消何堪看花對酒悵不御
上心往事兼酸甘都門車馬厭塵土惟有花事吾猶諳
法源丁香香雪海崇效寺裏春沈酣天甯花之漸減色

國香極樂猶二三萬荷葦灣與十刹蘆荻積水澄清渾
歸來草堂秀而野入門穿徑香醅醅舊遊如夢去不遠
而此屈蟄同僵蠶亦知風光過眼耳當春發思誰能戡
嚴君倦遊復乘興文史講席經還談著書多暇樹繞屋
葡萄滿架藤爲盦壓牆百竿竹嫋嫋拂簷千絲柳毵毵
花前念遠更感逝地僻門外稀停驂會當負笈補晚學
四始六義趨庭探

宰平夜至讀堯生蜀中寄詩去而門外雪滿矣

天寒兼地僻夜靜斷人行窺幌惟孤月開門欲二更巴山
詩滿手湓浦句吞聲

君誦哭芷青作不減義山哭劉蕡也

歸路還風雪如傳

此坐情

蓋交情一坐長
周季貺郡守

爛醉龍潭到夕曛
廿年夢斷盃山雲
酒人白下詩題好不
獨耽佳有鄭君
顧子朋學博

棄繻才氣謨高軒
東市朝衣千古冤
悽絕能詩王韞秀
西秦携手不堪論
林叡谷京卿

謳歌士女戴陶桓
百萬苻堅挫謝安
我是荊州老從事
稍聞密記出金鑾
張廣雅相國

美景良辰四合弁
豈知歡樂變哀情
乃園一刻千金悔
不相携語到明
黃仲弢提學

著論錢神借箸籌
洪爐鼓鑄不能休
熱官曾把微辭諷
一錯終嗟聚六州
端甸齋督部

重見黃州王禹偁竹樓舊址記同登篋中遺稿知多少不
遺文君進茂陵

王捍鄭郡守

前年傳說東坡死到底龍蛇厄鄭君無復有蔬邀一醉呼
僮認取瓦楞紋

楊惺吾參政

閩詩百本竟珠還別酒春酣對牡丹慰我斷絃詩兩首楚
詞遺像設閒安

柯巽庵撫部

投老漢陽黃魯髯靄園樓閣幾堆鹽追酬人日高常侍詞
翰招魂待伯嚴

黃小魯兵備

濡墨揮毫意自超勒碑種竹味蕭寥如何學步吾邱衍朽
骨沈淵向斷橋

張望杞郡守

手揮目送嵇中散四異三同馮敬通寥落遺詩文百首干

秋魏晉想高風 丁叔正部郎

臘月二十九日同人集法源寺祭陳后山先生成

五言三十韻

死生一大事欲惡乃有甚先生千古人念此蓋已審五十
始除官差可偷倉廩誰知未溫飽遽醒黃梁枕想當陪祀
時冰雪天壇滌甯須左伯桃凍踣殭且噤但令忍寒歸已
足發病瘳平生李文叔倡和幾墨瀋挺之皆姻婭推解意
亦孰誰知標使者寡諸天所稟想當苦吟時萬象入衾裯
如闖韓京兆推敲步蹕蹠如驀投金瀨日斜水光淪用以
沈刻思下筆似鐫鏤至今五七言嘗鬱識雋品競欲配杜
陵俎豆敬薦脰念此十日前借坡多張飲豈如此展拜跂

暮在淒凜明宵卽除夕祭詩或烹飪豈如持瓣香一集抱
瘦沈嗟余老頑健今歲忽內柱頓增髭鬢編服食乏桑葢
重裘不能溫衰憊盡兆朕明年卽六十息我疑預諗右軍
與杜梅皆五十九稔人生誰不死起起甯足凜誰知尙告
存少微星枉躡求死不可得愧恨頭自煩修文本稱卽見
屏殆貌寢先生當吾歲早逝若甘寢

余既寫定三十年來所爲詩刻成三卷其所未錄者尙存
舊時鈔本中再擇數十首名曰補遺亦山谷分詩文爲內
外集例也

石遺室詩集補遺

侯官陳衍

丁丑

陳芸敏編修屬題桂未谷說文統系圖

元方今學人所嚮一左海犁然治說文始一以終亥我疑
老落圖江顏兩模楷屈中止句後鄉壁造每每追來巧言
說誰能聽鄙猥沾沾作家訓未肯闕疑殆少溫於識字能
事豈阿買謙卦城隍碑詰訕偶臆改畢竟延絕學二徐實
自隗新附較祛妄鉉也孰如錯佩觿更復古聲類分說解
部居既自設派別當有在子行眇而跛樂石是搜采亞駝
絆作縫祖龍罪爲臯殆續卅五舉殿此人委慙我方效匪

石段注訂結痂札璞經韻樓孰愈兩邑宰邇來講許學著
錄日以夥句讀與釋例以外誰碗岫盍修主客圖南閣配
千載

戊寅

五月十四夜宿湖上宛在堂堂祀明以來閩中詩
人

虛堂四無人月午忽然暗坐久已滅燭有嘯疑鬼瞰隔岸
鬼燈移祗是螢光淡憑呼張三影雲破月來暫

亂蟲嘈雜鳴月出聲反止倦來此欹枕一簟白如水側想
諸先生魂魄或戀此夜涼逐前庭敲竹清歌起寺鐘且勿
動冥晤古所紀

感賦

又是西風曲水亭玉簪花發去年馨戴花人尙平安否樊
榭新詞不可聽

解說人閒止止祥擔風握月最能妨如何經案繩牀畔不
減瓶花淺淡粧

春風香繡翠微宮著意吟哦到底同腸斷夢遊錄一卷沈
郎憔悴出關中

湖上遇雨

雨晴陰復佳山水氣浮動數峰何惹龍不作秋容重買舟
小無篷篙師角初總四圍盡菱蕩曲曲變深港中有采菱
人人敲見腰籠餘荷閒數朶長柄覆其項微雨不知來點

水見溶溶少鳥涼衫溼繼以簪笠捧空濛煙雨中頗覺舟
行冗

我舟益北去去我室愈遠通船無河水載酒難往返前頭
小旗亭少待覓策蹇耕夫與牧子簑笠占息偃遠煙都出
林村落將晚飯

秋晚雜書

朝看幾枝花暮得一簾雨疏疏與淡淡秋意滿眉宇故人
留夜坐欲去還延伫簷滴硯水承窗罅香煙補悠然忘夏
日可畏有如虎

空齋弄晝眠簷滴作清響柴門無屐齒苔草日以養新竹
懷故居定復過牆長

借書讀未終惴惴主人至主人薄游去百卷寄我笥從容
轉蹉跎翻閱又卻置書來說當歸秉燭不敢睡

九日憶逋孫亡友

茅店旗亭語不多悲秋邠老渺山河無閒爲續重陽句出
色孤花奈汝何

君有遺詩三十餘首屬定未
報花孤饒出色君詠菊句也

輓徐仲眉

盈梳白髮歎蹉跎落木荒庵舊擘窠無復貞元天寶語江
南垂老逝徐波

除夕雜詩

豈有名山業端居又一年家貧分爨後人老祭詩前騎省

凋皮市

仲眉

元龍臥木天

芸敏

滄江汐社侶回首散聯翩

移家何數數家具尙盈車橋喜當蒸餅亭還近煮茶黃梅
應許乞紫筍可容賒城市終非隱過從一笑譁

后山有詩榻轉徙似行窩兒小齊雞犬鄰比惱鴨鵝曝衣
交竿衽汲井轆轤歌併入先生句新詩料已多

小種池邊柳堂眞號讀書同同來好鳥策策喚遊魚亦有
石堪拜羌無竹可居剪刀池上婦近不耐雙雛

己卯

長句送伯兄之杭州時兄初悼亡

青衫肯浣杭州酒李白乘舟行可走杏華春雨古京華騎
馬當年滿人口從此光陰付詩卷客子奚囊隨所取搖碧
齋尋張春水鬧紅舸放姜石帚楊柳樓前白玉驄竹枝聲

裏黃金斗西冷西子一世無蘇小蘇公雙不朽宋元遺迹
未如掃往往清風動林藪惜君此行意恹恍梅福吳門望
子久詩社南屏罷晚鐘酒壚西穆無殘瓠緩緩難歌陌上
花休休誰唱陽關柳阿姨橋畔自蛾眉新婦磯頭忍回首
噫余癡人故相惜老我湖山共不偶秋來官閣涼風起會
宿東堂予所否人生婚嫁定粗畢好水好山誤八九

過石倉園

果下停鞭問廢園水香山翠剩涼痕闌干一角斜陽處明
歲桃花定到門

同人泛湖過三潭印月泊於白隄遂至孤山

晴湖始可游三潭訪印月彭郎退省處疏冷不可說蓮蓬

禿其柄竹簪散如屑僧寮水中泚欄檻憩幽絕策策與堂堂濠梁此怡悅

斜光四照亭爽氣數峯閣蔣公有祠廟登眺故不惡出門波滑笏緩棹心與託旗亭柳色黃雪意正漠漠

首冬湖未寒孤山殊可過放鶴亭下路清切不忍唾似聞梅花氣試與數箇箇豈知粲成行凍萼都未破縱橫嘉樹根各各遂列坐何當來詠花月落參橫大

同人遊雲棲寺寺僧留飯觀蓮池像及遺墨心字
等偈董香光尙書書金剛經

凌晨遊雲棲山路宜調馬幾人爭馬券呢語口競哆同游喜款段登程說聊且江塘廿里路山石頗厓厓高低潮落

處巖根同鐵冶背江穿平楚雜樹馬頭惹馬嘶綠雲迷馬
飲寒碧瀉兩坡千畝竹一徑萬間廈有如山木合祇欠予
規啞不知竹盡處竹簪積沒蹀行行忘所詣忽露香積瓦
我相枯木堂清齋白蓮社筍脯風味饒米價月輪把安心
旛任動皈佛經曾寫河沙經小劫初地尙幽雅僧房綴蜜
脾掃塔水田野碓坊糟廠閒一一俱非靚清涼滋可游來
往藉腰髀不然效玉溪打鐘作行者

湖上雜詩

圍視出錢塘平湖水色涼橋頭未殘雪臺上已初陽山石
芭蕉大僧樓松柏香盤陀小延伫嬾問半閒堂

翠華舊行殿惆悵滿蒿萊壁帶危寒雨層櫺冷劫灰草驢

過鄮躅松鼠竄崩頽爲語王延壽無須作賦才
歸路淨慈寺南屏第幾峯爲停初地屐來打晚天鐘古井
泥將凹山莊翠不重摩厓懷涑水咫尺阻攜筇

出艮山門寄別伯初家兄

小聚胡然作急裝尊鱸信美自他鄉艮山門外嘔啞櫓如
聽鈴聲替戾岡

自落瓜堰抵司馬橋絕句一首

無瓜空號堰有扈卻容刁數里一尖塔終朝幾十橋

辛巳

灘行二首

猛聽刀鎗鐵騎聲一舟知向亂灘行臥龍側想排奇陣李

廣如斯將散兵下水船穿突鵲去健帆風作餓鴟鳴不知
嗚咽流泉意定爲何人語不平

爾許驚湍薄楫師當年疏鑿已劉滋一篙尊比將軍令孤
纜危於續命絲俯仰似將山作枕指揮若定石排棋艱難
博得清空漲篷背炊煙起太遲

雨後登貞元閣望黃華山

雨歇縱春目城隅相意行滑澁猶新泥細草迸以生二渠
泱泱流流滿路與平捕魚涸其池剖竇如鑿楹大魚復小
魚撥刺扈所橫巨竹萬丈夫傑閣隱崢嶸疏籬防竹根看
看長錦綳客言納涼天水雲尤空冥荷花十餘畝風露爲
淒清曲廊轉賓竹寒翠抱泠泠矮屋藏春碓漣漣循除鳴

某花閒以黃遠山繚以青桃李紛以綠辛夷照以明里許
見黃華松靄團孤亭煮茶小延伫清籟起瓶笙

水南橋拜謝文節祠祠卽賣卜處

皋亭白鴈天無色朱鳥西臺味焉食墨瀋淋漓卻聘書又
送孤臣謝枋得孤臣生死亦何有乞米須臾終躓踣臣忠
子孝兩難言泰山鴻毛一太息此江東下我西行鷗鵠但
南卻向北麻衣涕淚百不堪屢屢風霜何太急更餐周粟
庾開府不值一錢程不識憫忠寺裏誰大招水南橋頭我
沾臆水南之水清且漣水南之橋清且直行人躑躅薦溪
毛薇蕨無由採特特

三曲至四曲

小藏兀頭頂大藏挨肩背小藏旣以高大藏尤其最茲山
互鐵色水色亦應晦山胡愈如鐵水乃愈如黛

晚泊小九曲冒雨入山天黑而返

蟻舟小九曲撥徑羅漢洞龐公吃茶處跼蹐筆呵凍試探
天游背一覽山之眾登頓已百層石級滑不恔不知滑遶
過路陷類入甕昏黑驟雨來急溜喧以闕何人關此途曰
左左乃哄

萬峯亭

茗堯萬峯亭上瀨已睥睨問途不逢人可望卽無計青鞋
決獨詣竹杖遂共曳我僕將筭步我友已數憩我行不知
高我舟落天際全山竟一覽眼底分次第城高巖亦奇天

柱峯頗銳天壺將鼓子七八曲可睇美哉二隱屏端莊而
流麗萬仞茲壁立吾請東西帝

由星村橋冒雨入山至福井巖

珊瑚顏色碎石街入山數里淨始指花香細細無名子松
翠滴滴伊可懷硬雨欲破青油轎狂溜頗避白木鞋千回
百折不見寺寒山牛跡當安排

福井巖前殊可觀福井巖內不足看問途十里復五里上
山千盤下百盤松篁摩頂以放踵奔湊清流成激湍恆河
沙數作雨點可奈不歌行路難

自福井巖下慧苑巖道上作

渡澗無橋橋柱排澗泉赴之爭喧豗多謝奔波三百曲相

隨相送下山來

宿慧苑巖

看山不開門環抱峯闕筍補缺萬松篁來處所接引宵分
天柱夢雲臥俊難忍寺僧亦選事壓酒斲香菌山厨乏螺
蛤芻豢頗免哂酒酣話茶董供億殊勉黽昔人戀空桑此
意未可泯

由慧苑巖過磊石精舍飯訖而去

慧苑饒澗泉磊石通幽徑水石與竹樹各各據其勝昨宵
天柱夢雲氣盪清暝水簾雨更佳破曉復乘興過門天心
孤抱磴火燄互磊磊落落地要有胃懷稱我來乞伊蒲愧
無緋袍贈聊題水松牌投報笑餽釘

寺僧請留詩

胡麻澗上作

叢桂留人山之阿胡麻仙飯近如何昨宵溪水添五尺便
遣思家唱權歌

宿雨初止曉坐聯句

止止多明室幽居趣便長

石遺

柳偏增雨重花矮避風狂啜

茗便閒讀鉤簾懶薄粧

石遺

曉寒君已賦請寫衍波光

石遺

初夏聯句

黃梅天氣惡宿潤上烏裯

石遺

作字蚊欺客翻書蠹避人茶

煙浮小院竹色想東鄰

石遺

今夜初三月銀鉤的的新

石遺

蘭生招同芸敏少虞夜集有作

吟朋罕見珍望字輒西笑出門何所往往往人所料招邀

遂命題此事近絕調詩澀猶可醫詩滑不可療努力爲寒
瘦水石見陵隋縱無吹臺傳亦可蘇門嘯

雜述四首視蘭生

瓜棚匝地暑全無菱蕩疏疏似聖湖爾我閒行隨處有湖
船慳到百錢租

書史藜羹揮汗鈔

時余方輯
元詩紀事

茶壺盪冷大於匏此時多少

名流集午夢詩人一例拋

好書善價舊鏤劉便借荊州我不凡簪社文房尋小印主
人原是未開函

荔枝三百酒雙瓶此味今年未慣經悔不筍輿穿暑去計
程明日到楓亭

夏晚

隱雷不成陰疏雨不成點依然好月色一邈淡如染開落
白蓮花舒卷桃竹簾甯愛夏日長流光太荏苒

日落天氣佳薄雲太空歛軒窗討涼意豹腳何閃閃微風
如佳客一揖向我臉諒無列禦寇聊此吾與點

小叢住屋蘭生以詩落之用樊榭移居韻和存一
首

欄子成八字斜漫將粧點向人誇干卿何事吹春水且
住爲佳過落花藥店新愁剛近市婦病已
淡月橘官豔俸定誰
家登高時節多風雨繞壁哦詩不算譁

癸未

四月六日飯後同伯初家兄往極樂寺看海棠抵暮乃返

舊聞海棠花極樂寺爲最計株足陌數論根合抱大出門
覓車子言適何郭外問途渾不識睥眄輒相怪路旁老僕
夫顧謂我能載城隅西復西林木蔚堪愛時聞細細香人
家種花賣清流抱城去出郭在襟帶綠陰路幾轉忽轉香
嚴界山門卽花圃百樹遠不逮凋零旣已多餘亦成老態
顧其花精神紅雲尙暎靄花中舊有亭小憩足茶話何當
宿花影屈指月圓屆

潞河舟中作

一笑翛然返棹孤車塵十丈水程無麥稍漾浪齊於柳港

勢迴帆已似沽竹垞櫂歌纔昨夢蓮坡池館渺前途浮家
又向江南去擬覓樵青作釣徒

寄蘭生蜀道

別君三百幾十日來往郵筒各六七我爲君行少作詩草
草呈君紙易畢君詩視我當看山胡乃秘惜不肯出往時
歲暮相往還沈飲浩歌欲投筆祗道詩窮溝壑填豈知戰
鼓傳聞疾淮湘召募方倉卒南北樓船紛急救中興豪俊
尙三五將帥廉頗果堪憶東瀛門戶關幾省此都牽動亦
孔棘慷慨談兵大有人書記從戎未爲得寄語崎嶇入蜀
人詩人何用能憂國

丁亥

苦熱一首

炎島異氣候，縉暑常蒸熏。自從孟夏來，山澤氣益振。官齋
非不敞，戶牖東南陳。未有松石意，安謂羲皇人。入夜望星
漢，流光仍瀉銀。稍覺涼意來，不寐恐及晨。茲邦富竹樹，上
欲干青雲。藉之邀涼颺，繞屋如水濱。土氓爾何爲，築室不
與鄰。願言舍之去，聊以岸吾巾。

庚寅

村居

霜風漸欲作，重陽腰褱吳綿急。待裝題帕慣於紅藕落捲
簾，又對菊花黃比鄰。鵝鴨真堪惱，小市魚蝦價正昂。數徧
籬門三十六，更無禦寇可連牆。

霜風漸欲作重陽入饌聊欣得飲羊縱有洞簫工作約其
如捧劍善逃亡看書有味驚燈燼作答無箋節語長說與
赤貧渾不信昨宵肱篋怪多藏

題山谷梨花詩後

豫章梨花詩刻在秦郵帖字字冰雪詞合入次山篋筆筆
畫葡萄鬚梗與枝葉我愛歌羅驛花片明如曆卻遺此數
首嚼之芬滿頰我觀松風閣秀韻撲眉睫豈如此數紙筆
勢森長鬣我思文游臺當年幾人躡東坡與淮海雙井未
步履後人此刻石連類遂牽涉蔡侯畫錦堂米家書畫牒
女郎詞自佳請誦韻再疊

雪後過莫愁湖

水西門外立斜暉雪後樓臺靜掩扉衰柳敗荷零落盡一
湖寒碧上人衣

乙未

節庵寄扇及橫幅

嶺南詩人梁節庵寫詩畫扇寄江南扇中爲作修詩圖草
堂修竹松兩三漫勞秀野相引喻衣冠下拜吾何堪但令
突兀得此屋忍飢飲水歸亦甘門前援例置三雅過我一
醉桃花潭

饒識三屬題其明宮雜詠

華蓋醉樵饒介之滿攜行卷走京師勝朝與汝關何事賦
得連昌爾許詞

庚子

歲暮懷人詩十五首

敢云恭謹張廷尉直似談嘲郭舍人最是西樓吟望後惠
風柳下見天真

一從清露點朝衣歸去西臺髮未晞更有半千名世者故
應豔著小兒緋

望衡對宇識荊州豈願人閒萬戶侯一自太真投袂去孤
臣熱淚滿中流

江上餘霞散不開振衣濯足妙高臺未酬陸賈歸裝願急
取胡麻早飯來

邂逅圯橋黃石公穆陵無棣拓侯封誰知一種青門後銅

狄摩挲不再逢

枸醬蒲桃滿漢槎留連青塚與胡笳武安席上驚人事往
日黃紬正放衙

解衣磅礴正端陽消得南樓一味涼啖罷荔枝三百顆魚
羹米嫂可曾嘗

繫頸居然以組宜恩恩回首絕裾時可憐食肉飛揚相猿
臂將軍卻數奇

大官聞有蔗漿寒得肉厨門願未闌莫說相如消渴事金
人眸子可曾乾

劍客奇才幕下儲平生交臂恨何如天山飛走知名後奪
我燕支唾手餘

旁若無人對華山解衣捫虱恣雄談如何遠跡還高掌日
飲亡何死亦甘

非關興盡掉歸船領略山陰雪霽天如此良宵如此客主
人怎得不流連

一自行行過雁鴻祗應咄咄與書空尹邢避面仇如海卻
念周郎赤壁功

泗洲不見大菩薩芋火闌珊對蠟殘若使三生真有約何
難上峽遇圓觀

玉鉤斜畔路將迷禪智山光墓草萋可憶藏鉤兼射覆東
風故國小樓西

乙巳

正月自鄂歸閩實甫行將去閩之鄂破庵閣學招
飲酒樓實甫有詩留別次韻

遯鶴思故鄉準擬歲一至蹉跎竟越年始得聚同氣歸來
遲見君頗畏飲文字腹中有忍淚不欲人前墜

時余方喪第三子

酒壚忽攜手好我吾宗惠慨念出岫雲又將邱壑置安石
與希文憂樂孰真僞勿嗟來日短所嗟昨日棄堯後幾甲
辰義馭那迴轡春光正如海綠肥紅自療預計單衣時漢
上酒可試暫作石湖依還待稼軒帥

酷熱得雨

一雨未如連日陰

暑天大雨易晴不如陰之耐久也

淡雲微雨慰私心乍

聞跳瓦珠千箇不願傾檐綆百尋蓮社風高遲接引松寥

月黑閣登臨粗言多謝天公處已省行滕幾餅金

時將往匡焦二

山避暑未果